

*Medius vestrum stat, quem vos non scitis.*

✠ Léctio sancti Evangélii  
secúndum Ioánnem

1, 6-8. 19-28

<sup>6</sup> Fuit homo missus a Deo,  
cui nomen erat Ioánnes;  
<sup>7</sup> hic venit in testimónium,  
ut testimónium perhibéret de lúmine,  
ut omnes créderent per illum.  
<sup>8</sup> Non erat ille lux,  
sed ut testimónium perhibéret de lúmine.

[9-18]

- <sup>19</sup> Et hoc est testimónium Ioánnis,  
quando misérunt ad eum Iudæi ab Hierosólymis  
sacerdótes et Levítas,  
ut interrogárent eum: «Tu quis es?».  
<sup>20</sup> Et conféssus est et non negávit;  
et conféssus est: «Non sum ego Christus».  
<sup>21</sup> Et interrogavérunt eum:  
«Quid ergo? Elías es tu?».  
Et dicit: «Non sum».  
«Prophéta es tu?» Et respóndit: «Non».  
<sup>22</sup> Dixérunt ergo ei: «Quis es?  
Ut respónsum demus his, qui misérunt nos.  
Quid dicis de teípsو?».  
<sup>23</sup> Ait: «Ego vox clamántis in desérto:  
“Dirígite viam Dómini”,  
sicut dixit Isaías prophéta».  
<sup>24</sup> Et qui missi fúerant, erant ex pharisæis;  
<sup>25</sup> et interrogavérunt eum  
et dixérunt ei:  
«Quid ergo baptízas, si tu non es Christus  
neque Elías neque prophéta?».  
<sup>26</sup> Respóndit eis Ioánnes dicens:

«Ego baptízo in aqua;  
médius vestrum stat, quem vos non scitis,  
<sup>27</sup> qui post me ventúrus est,  
cuius ego non sum dignus,  
ut solvam eius corrígiam calceaménti».

<sup>28</sup> Hæc in Bethánia facta sunt trans Iordánem,  
ubi erat Ioánnes baptízans.

Verbum Dómini.